

ЛЕНИН ТУЙ ВЫЛЭТ

(По ленинскому пути)

ПОДПИСКАЛЭН ЦЕНА

1 год кежэ 14 р. 40 к.
6 месяц кежэ 7 р. 20 к.
3 месяц кежэ 3 р. 60 к.
1 месяц кежэ 1 р. 20 к.

Редакциялэн адрес: г. Кудымкар, Горького 27 (6)
телеф. № 1—87

ВКП(б) Окружкомлэн, ВКП(б) Кудымкарскэй Райкомлэн да Окрисполкомлэн орган

Правильнэ янсэтны денежнэй доходд'ез

Годись годэ соданы колхоз'езын денежнэй доходд'ез. Колхозниккез оланэ пьрис действительно зажиточнэй олан. Кудымкарскэй горсоветись „Ленин туй вылат“ нима колхоз таво токо этик огородничествосянь получитис денежнэй доходсэ 60 тысяч руб. Юсьвинскэй районись Заря будущего нима колхоз порсь вэдитан фермасынь денежнэй доходсэ получайтэ унажык 30 тысяч рубся. Федоровскэй колхоз токо этик клевернэй кэдзысь сьянь доходсэ получитис 15 тысяч руб, Бажинскэй—13 тысяч руб.

Колхоз'езыня локтэны радостнэй паррез денежнэй доходд'ез быдмэм йылсь, кэднйя колхознэй крестьянство сэ вдохновляйтэны виль победаез вылэ. Кудымкарскэй районись, Вержайскэй сельсоветись, Селевскэй колхозись колхозниккез уджлун понда получайтэны джын пулэн токо этик нянь. Эта висьтала сы йылсь, што колхознэй строй, када развивайтэ Ленинлэн—Сталинлэн большевистскэй партия руководство увтын прочнэй да могущественнэй.

Сибалэ самэй ответственный кад—сельхозартельлэн устав основа сьэрти колхознэй доходд'ез янсэтэм. Земельнэй орган'ез, местнэй партийнэй да советскэй организацияез обявансь тор'я вниманнэ уделитны колхоз'езын денежнэй доходд'езсэ янсэтэм вопросу. Ибо эта вопроын миян округын ешэ уна керсьяны нарушеннэез, уна колхоз'езын ешэ абу сувтэтэм чорыт финансовэй дисциплина.

Юсьвинскэй районись Заря будущего нима колхозын смета сьэрти, када вэли утвердитэм общэй колхознэй собраннээн, капитальнэй строительство понда колсэ денгасэ видны 600 руб. Колхозись председатель Брагина асьсэ денежнэй средстваез расходуйтэмын чувствуйтис кыда повластнэй хозяйнэн, ез юась колхознэй собраннэлись, а этнас капитальнэй строительствэ израсходуйтис 4500 руб. Эта бэрти колхозись правленнэ мунис хитрость вылэ, кэр денежнэй средстваезыс лонсэ используютэмэ, токо с'ек сувтэтис вопрос утвердитны етэ расходуйтэм средстваезсэ. Ревизионнэй комиссияэн вэлэм председатель Котельников денежнэй средстваез используютан вопросэн совсем ез занимайтчы.

Кудымкарскэй районись

Кувинскэй сельсоветись „Передовик“ колхозын годовэй расходнэй смета совсем оз выполняйтчы. Колхозись председатель Шуккин средстваез расходуити кэ ез видзэт годовэй сметансь ния расход статьяез вылэ, кэднйя утвердитэмэсь общэй собраннээн, а керис сідз кыдз сылэ люб-бо. Ревизионнэй комиссиялэн председатель Караванев етэн делонас ез интересуйтчы. Ена примергезыс не единичнэйсь, а характернэйсь миян округись уна колхоз'езлэ.

СССР-лэн Совнарком да ВКП(б) ЦК декабрь 5 лунэ асланьс постановленнэын „Колхоз'езын денежнэй доходд'ез янсэтэм йылсь“ сетисэ четкэй указаннэез, кыдз колэ правильнэ янсэтны колхоз'езын денежнэй доходд'ез, кыдз правильнэ сочетайтны колхозниккезлись общественнэй да личнэй интерес'ез.

Колэ точнэя раз'яснитны быдэс колхозниккезлэ да колхозницаезлэ партия да правительство постановленнэ йылсь. Колэ раз'яснитны колхозниккезлэ, што медбы правильнэ колхозын янсэтны денежнэй доходд'ез, колэ мелодз срок кежэ да быдэс выполнитны государственнэй обязательнэй платежжез—налоггез, с т р а х о в э й взнос'ез да денежнэй ссудаез мынтэм. Получайтэм денежнэй доходд'езис артель керэ колана расходд'ез текущэй производственнэй нуждаез, вевттэ ассис административно-хозяйственнэй расходд'ез раз мер'сэрти, денежнэй доходд'езис не унажык 2 процентся, выделяйтэ средстваез культурнэй нуждаез понда. Неделимэй фондд'езэ отчисленнэ да пополненнэ керсьэ размеры зерновэй район'езын, не йетшажык 12, но не унажык 15 процентся, техническэй культураез да животноводство район'езын не йетшажык 15-ся, но не унажык 20 процентся артельлэн денежнэй доходд'езис. Денежнэй доходд'езсталей суммасэ артель янсэте члена'ез колаын уджлуннэ сьэрти.

Колэ вылэжык л'ебтыны революционнэй бдательность да помнитны, што сельхозартельлэн устав колхознэй олан строитэмын являйтэ строгэй законэн, што токо сийэ строгэя выполняйткэ буржыка крепамасэ колхоз'ез, буржыка л'ебасэ колхозниккезлэн культурнэй зажиточнэй олан.

Миян округись отир

Орденоноска Петухова Екатерина Максимовна

Катя чужис беднэй крестьянскэй семьян, кэр сылэ токо тырис 6 год айыс кулис. Учитель нывкаок кольччис чуть не сиротаэн. Сьэкыт вэли овны айыстаг, колсэ сёян, пасыкэм, а ета тырмэмэн ез вэв. Этлаын соййезыскэт Катя унажыкэс уджалис кулаккэзлэ. Ед ны кыны с'ек, царскэй самодержавие дьрни, вэли быдэс. Ны кыны вэли медбур мунс, медбур подаыс, деревняис быдэс богатствоыс.

Быдэс ета бура помнитэ Екатерина Максимовна. Крестьяналэ югыт туй осытис коммунистическэй партия да советскэй власть. Колхознэй строй дьрни лонс возможность развивайтчыны талант'езлэ.

Екатерина Максимовна вэль год-ни уджалэ порсь вэдитан племеннэй колхознэй фермаын. Вэлэм батрачка бура любитэ ассиным социалистическэй родина, сылэ дона колхознэй строй, сия честная да добросозестная отоситчэ этлаза артельнэй достояннэ дьня, любовнэя уджалэ аслас поручитэм участо-кын, порсь вэдитан племеннэй фермаын.

Эрт Петухова миян округись зачатэй морт, орденоноска. Сия миян округын первэй фермаэн заведующэйкэт эрт Можавкэт порсь вэдитан уджын л'еб-тисэ стахановскэй движениэ знамя.

Заря будущего нима колхозись племеннэй порссез пользуйтэны ыджыт извествоысьянь. Округись не йетша колхоз'ез охотнэя

босытэны ета колхозись порссезсэ.

1938 годся производственнэй планэн вэли сувтэтэм задача—порсь вэдитан фермасынь получитны 30 тысяч руб доход. Етэ задачаез выполнитэм понда фермаис уджалиссез песьсьяны ыджыт чествээн. Декабрь 1 лун кежэ, 11 месяц коста колхоз фермасынь д о х о д получитис 25116 руб. Фермаис уджалиссез заявляйтэны, што январь месяц кежэ быдэс доходсэ получитам не йетшажык 30 тысячася.

11 месяц коста быд маткасынь в среднем получи-тэм 23 деловэй порсьпя-нэн. Маткасынь „Коммунаркасынь“—получитэм 26 деловэй порсьпян, „Юрасянь“—25, „Лидасынь“—24 деловэй порсьпян да сідз озлань.

Сельхозартельлэн устав требуйтэ, медбы фермаезын вэлсэ постояннэй кадрез. Заря будущего нима колхозын ета выполняйтчэ строгэя. Вот свинарка Быкова Марфа Максимовна фермаын уджалэ 3 год, сідз-жэ постоянно фермаын уджалэны Чечулина Александра Васильевна, Ярусова Ирина, Баталова Мария, Баталова Ирина. Быдэныс ния спаяннэй коллектив, кэд-ния асланьс бригадир-орденоноска эрт Петуховакэт песьсьяны социалистическэй пода расцвет понда.

Свинарникын сотчэ электричество. Кормовэй отделеннэын лэсьэтчэ порссез понда вердчан. Свинарник пытшкын шоньт, сувтэтэмась кыкпэвса рамаез.

Свинарник пытшкын чистота, нийэ постоянно миськалэны, станоккез пытшкын пыр чистэй подстылка. Быдлаын тыдалэ хозийскэй забота, колхознэй пода дьнын любовнэй уход.

Заря будущего нима колхозись племеннэй фермаын ем мыйэ велэтчыны. Фермаын уджалэны родиналэн достойнэй нывез, ны коласын уджалэ эрт Екатерина Максимовна, када заявляйтэ:

—Если народлэн враггез, фашизмлэн гнуснэй вырождаез лэсьтасэ сиботчыны миян завоеваннэез дьня, лэсьтасэ кутчисьны мырддыны миянлись радостнэй олан—ме первэй огжалейт ассим медбэр'я капля вир, медбы сьэлэмэн сувтны Ленинлэн—Сталинчэн дело понда, коммунизм дело понда, быдэс уджалиссезлэн вождь эрт Сталин понда.

* * *

Колэ отметитны сийэ, што Юсьвинскэй райсосянь фермаис уджалиссезлэ абу настоящэй отсэт, например, тэвбытэн ешэ этпыр езна вэв зоотехучеба, райсоис старшэй зоотехник эрт Четин ета делосэ абу обеспечитэм.

Фермаис заведующэй эрт Можавэни уджалэ колхозись предсэ д а т е л ь гуйэ. Фермаэн заведующэйэн временная назначигэм Брагина, када фермаэ оз вовлы быдса неделезэн.

Райсосянь племеннэй фермаэн колэ руководитны конкретнэя, а ета ешэ абу.

М. Гагарин

СССР пасьта

1.425 рационализаторскэй предложениэ 1938 годэ пьртисэ оланэ странаис чернэй металлургия заводд'ез. 260 тысяча руб—премия государство вештис рационализаторрезлэ.

Куммэдз тираж 1938 годся заём сьэрти состоитчис декабрь 10 лунэ Москваын—политтехническэй музейын. Розыграйтэм 5.680 выигрыш 3.834.400 руб вылэ. Ны коласын 4 выигрыш 25 тысяча рубан.

ССР Союзись красноармейскэй сыллан да йэктан

Краснознаменнэй ансамбль профессор Александров управленнэ увтын локтис Ленинграда.

Надеждинск. Винокурова Федосья Николаевна лэн 12 челяль. 1936 годсянь Федосья Николаевна получитис государствосянь 22 тысяча руб пособие.

Челябинскэй сельскохозийственнэй машинаез керан завод керяс запаснэй часттез 4.410 тысяча руб вылэ. Тьртис годовэй план содтэмэн.

Тракторрез сулалэны весь

Тукачевскэй мехлеспунктын тракторнэй ледянэй туй дьня ем ваялэм 10 тысяча фесметра мымда вэр древесина, но тракторрез энэдз озе уджалэ, сідз кыдз погрузка понда уджалиссез абуэсь. Архангельскэй сельсоветись Слудинскэй, Капилинскэй, Гачевскэй, Сековскэй да Пякановскэй колхоз'ез, Доеговскэй сельсоветись быдэс колхоз'ез, погрузка понда энэдз езе индэ этик мортэс. Юсьвинскэй райисполком ета йылсь бура тэдэ, но некытшэм мераез оз принимайт.

А. Пинин

Косинскэй парткабинетын

Косын районнэй парткабинет ешэ не этдбэн важын имейтис токо парткабинетлись ним. Некытшэм культурно-политическэй уджез вэв, да и не токо отсутствуйтис удж, нельки керку пыткас ез туй пырны: вэли оборудуйтэм, эшынн'ез жугэтэмэсь, — быдэс вэли тырэм тшынэн да бусэн. Парткабинетэ езэ пыравлэ не токо интеллигенциялэн актив, но и шочыника пыравлисэ коммунист'ез.

Медбэр'я кадэ районнэй парткабинет превратитчис теоретическэй учебаын центра. С'етчэ быд лун вовлэны коммунист'ез да беспартийнэйез, советскэй интеллигенция. Ния интересуйтэны ВКП(б) историян, видзэтэны нагляднэй пособиаз, кадна керэмазь Краткэй курсись главаез сьэрти. Знакомитчэны консультационнэй материалэн. Мортт'ез, кадна изучайтэны ВКП(б)-лись история, список сьэрти самостоятельнэй отбирайтэны дополнительнэй материал. Парткабинетэн заведую-

шэй эрт Седегов Д. Ф. энimedыджыт вниманнэ уделайтэ Марксись—Энгельсись—Ленинлись—Сталинлись научнэй теория самостоятельнэй изучайтэм вылэ, лекцияез сувтэтэмэ да консультацияез организуйтэмэ. Лекцияез организуйтэны не токо коммунист'ез коласын, но и интеллигенция коласын.

Не важын чулалис медицинскэй работникк е з л э н районнэй совещаннэ. Эта совещаннэ вылын эрт Седегов керис лекция Ленинлэн удж йылись „Россияын капитализм лэн развивайтчэм“.

Первэйся, мэдэдз да кумэдз главаез сьэрти организуйтэм папка, кытчэ клиентэны консультационнэй материал, газетт'езись вырезкаез, Ленинлись брошюраез: „Что такое „друзья народа“ и как они воюют против социал-демократов“, „Социализм и политическая борьба“, „Наши разногласия“, Плехановлись сочиненнэез, „Крымская война“ да уна мэдик теоретическэй статьяез.

Парткабинетэ быд лун локтэ отир, кадна самостоятельнэй изучайтэны ВКП(б)-лись история. ВКП(б) изучайтисез юасьэны, мый с'етшэм „ревизионизм“, „нигилизм“, „сократы“, „кадеты“ и уна мэдик вопрос'ез и быдэс этна вопрос'ез сьэрти получайтэны конкретнэй ответт'ез. Партиялись история изучайтисез понда парткабинетын организуйтэм вопрос'ез да ответт'ез кузя доска.

Медбэр'я кадэ паркабинетись библиотекаын уна сордисэ лыддьэтисез. Библиотекаись заведующэй Кузнецова Е. И. висьтала, што библиотекаын оджык вэли керны нем, некин ез вовлы, а медбэр'я кадэ учетнэй карточкаезлэн количество сордис 100 карточка вылэ.

Эта библиотекаын ем 3893 произведеннэ классиккезлэн, 1360 журнал и ета литература ешэ ылына оз удовлетворяйт населеннэлись потребносттез.

Я. Нестеров

Населеннэлэн перепись—ыджыт государственнэй дело

1939 годэ населеннэлэн Всесоюзнэй перепись имейтэ ыджыт государственнэй и политическэй дело. Медбы бура чулэты етэ уджсэ, колэ керны ыджыт подготовительнэй дело. Раз'яснитны быдэс массалэ, кытшэм значеннэ имейтэ ета переписыс, кызд сийэ колэ чулэты, кызд отвечайтны счетчиклэ переписнэй листлэн быд вопрос вылэ.

Переписьэдз кольччи с кадасы йетшани. Однако Кудымкарскэй Горсовет

докладись тыдалэ, што подготовительнэй уджыс мунэм энэдз совершенно умэля. Докладчик эрт Нешатаев аслас докладын ез висьтав кызд, кытшэм организацияын, предприятияын, колхозын, кадна пырэнны горсовет территорияэ, мунэ подготовительнэй уджыс, кызд этна организацияезись, предприятияезись, колхоз'езись руководителлэз уджалэны, кызд нуэтэны асланыс коллектив коласын раз'яснительно-массовэй уджсэ, кызд знакомитэны нийэ перепись вопрос'езэн.

Городскэй советлэн Президиум керис 4 инструкторкэй участок, бэрис да утвердитис переписнэй кадр, проверитис поселеннэй списоккэз, домовэй книгаез и ета вылын успокоитчис, успокоитчис и быдэс партийнэй, советскэй да хозяйственнэй организацияезись руководителлэз, кызд бытэ быдэс вежэртисэ, усвоитисэ быд вопрос. Дело вылын-жэ емэсь факт'ез, кадна висьталэны мэдэрэ. Городскэй совет быдэн инструкторлэ сеталэм кварталнэй картаез, када должен обслуживайтчыны инструкторэн, но этна картаез ылэ не точнэйэсь.

—Емэсь случайнэ, кэр карта вылас значитчэ керку, но сия местаын сия важынни абу, сулалэны сыместын вились строитэм кык-куим керку, не то карта вылас сулалэ вились строитан керку, а локтанкэ, то с'етэн важын-ни олэны отир. Емэсь случайнэ, кэр карта вылас оз числитчы некытшэм керку не то общежитие, а локтанкэ, пондан тщательнэй проверйитны, то с'етэн олэны не

этик дас олэсь—байтис этик инструктор.

Емэсь случайнэ, кэр мортис некытэн оз лыддись. Окрпотребсоюз общежитияын (Набережнэй улица) олэны не этик спецпереселенец, кадна нельки озе лыддиссьэ домовэй книга вылын и сідз одзлань.

Факт'ез мыччалэны кызд с'етшэм положеннэ Кудымкарын, то не буржуй делоны сулалэ остальнэй районнэезын, сельсоветт'езын да колхоз'езын. Колхозниккэз коласын некин оз нуэт некытшэм массово-раз'яснительнэй удж. Колхозниккэз озе тэзэ нелькисийэ, кэр, кытшэм кадэ пондас мунны населеннэлэн перепись, кытшэм значеннэ сия имейтэ миян социалистическэй государствоын.

Быдэс подготовительнэй уджсэ ета кадэ, када кольччис населеннэтэн переписьэдз—1939 год январь 17 лунэдз—колэ паськэтны сідз, мед быд колхозник, быд колхозница, быд рабочэй да служащэй тэдис, кызд колэ отвечайтны переписнэй листлэн быдэс 16 вопрос вылэ, мед чулэны етэ ыджыт государственнэй значеннэа мэр-приятияез образцовэа, большевистскэа. Точнэй да яснэй ответгыс, точнэй учетыс миян государстволэ сетас возможность тэдны населеннэлись составсэ, культурнэй да политическэй быдмэмэс. Эта понда колэ переключитны масса волазын массово-раз'яснительнэй удж нуэтэм понда быд коммунистэс, комсомолецэс, быд общественникэс. С'ек токо пондас позны висьтавыны, што перепись кежэ готовэсь! ТУПИЦИН

Каслинскэй чугунолитейнэй завод (Челябинскэй область) л'едзэ паськыт потребленнэа предметт'ез: мясорубкаез, кашниккэз, кастрюляез, утюггез да мэдиккэз.



Снимок вылын: Мясорубочнэй цехись стахановец-цез, кадна нормасэ выполняйтэны 150–200 процент вылэ. Шульгаланьсян веськытланьэ: Л. А. Чернова, П. В. Хорошенин да А. В. Щипанова.

Фото Л. Фавиловичлэн.

ТАСС-лэн Бюро-клише.

Рубеж сайын

Италияын виль антифранцузскэй демонстрацияез

Декабрь 9 лунэ быдэс газетаез гижэны виль „студенческэй“ антифранцузскэй демонстрацияез йылись, каднйа организуйтэмэсь Аконеын, Падуеын, Триестеын и Италиясиз мэдик городд'езын. Этик кадэ фашистскэй газетаез гырьись заголовоккэз увтын юэртисэ антиитальянскэй манифестаияез йылись Тунисын и заявляйтэны, што етия манифестациялэ отвтэн итальянскэй генеральнэй консул сетис приказ Тунисын олэссэзлэ итальянецпезизэ „вуджны самозащита мероприятияез вылэ“.

Етия заявленнэ свидетельствуйтэ сы йылись, што Италиясиз фашистскэй власттез, тыдалэ, Судетскэй областын германскэй расизм мэрешитисэ вуджны Тунисын конфликтт'ез организуйтэмэ да воору-

женнэй столкновеннэезэ, использоватьны етия цель пондита итальянскэй фашистскэй организацияезэс, каднйа действовуйтэны Тунисын.

Кызд юэртэ печать, Тунисын арестуйтэмэсь итальянскэй фашистскэй „агитаторпез“, каднйа призывайтисэ демонстрация вылэ Франциялэ против.

Германскэй газетаезлэн Римскэй корреспондент'ез, юэртэны, што Италияын быдсэн удовлетворитэмэсь яснэй линияэн, каднйа займитис германскэй печать итальянскэй претензияез йылись Тунис, Савойю да Корсика вылэ вопросын.

Быдэс талуныа германскэй газетаез асланыс передозэй статьяезын быдсэн подерживайтэны Италиялись быдэс захватническэй планнэез.

Военнэй действияез Китайын

Центральнэй Китай

Центральнэй Китай фронтт'ез вылын затишье. Затишьесэ использоватьчэ китайскэй часттезэн выэн занимайтэм линия обороняйтэм понда. Япоонецпез идз-жэ лэсьэтэны оборонительнэй сооруженнэез Сянцзянь ю ойывся берег вылын да вайэгэны фронт вылэ виль часттез.

Цзоцзянсынь лунланьныкык продолжайтэны активнэй дейтвиез китайскэй партизан'езлэн. Декабрь 3 лунэ Суцзянэ городын (Цзянсулэн ойывся часть) пондэтчэм уличнэй бойлэз кончитисэ китайскэй войскаезлэн поб даэз. Бойын уничтожитэмэсь 90

японскэй бронемашина да кум орудия. Япоонецпез городис пышнисэ.

Южнэй Китай

Продолжайтэны бойлэз Кантонсян ойлань, Тайпинчэн районын, наступленнэын учствуйтисэ кавалерия и танккэз. Китайскэй противотанковэй артиллерия уничтожитис кык японскэй танк. Этик кадэ китайскэй отряд керис япоонецпезлэ удар веськыт фланг вылын и вынудатисэ нийэ оступитны.

Асывтавын Кантонсян китайскэй гоаскаез локтисэ Шилуна дынэдз Упорнэй бойлэз чулалэны Цзэнчэн гэгэр.

Вузассэ... син!

Нью-Йорк, 8 декабрь (ТАСС). Горд Фермаунтаись (США) безработнэй житель — ай вит челядьлэз, решитис вузавны научнэй дел-

лэз понда этик син ари 10 тысяча доллар пондэ. Получитэм денга вылэ сия мэдэ небы керку да сетны челядьлэ образованнэ.



Снимок вылын (веськытланьсян шульгаланьэ): эрт Чумаков да лаборантка Т. В. Князева лабораторияын.

Фото Д. Фавиловичлэн ТАСС-лэн Бюро-клише.

В. И. О. Отв. редактора Е. Ф. МЕХОНОШИН